

**Յասմիկ Գրիգորեան, Զանգուածները եւ Զանգուածային Բռնութիւնները. Օսմանեան Կայսրութեան Մուսուլման Բնակչութեան Մասնակցութիւնը Հայոց Յեղասպանութեանը, Երեւան, 2017, 244 էջ:**

Յեղասպանագիտութեան բնագաւառում ոճրագործութեան զանգուածայնութեան հիմնախնդրին անդրադարձել են հայ եւ օտար հեղինակներ<sup>1</sup>:

Յասմիկ Գրիգորեանի *Զանգուածները եւ Զանգուածային Բռնութիւնները. Օսմանեան Կայսրութեան Մուսուլման Բնակչութեան Մասնակցութիւնը Հայոց Յեղասպանութեանը* մեծարժէք աշխատութիւնը կարելի է ներդրում է հայ ցեղասպանագիտութեան մէջ:

Հայոց Յեղասպանութեանը՝ Օսմանեան Կայսրութեան մուսուլման բնակչութեան զանգուածային մասնակցութեան հիմնահարցի ուսումնասիրութեամբ, հեղինակը նոր բացայայտումներ է կատարում եւ արդի ցեղասպանագիտութեան մէջ առաջարկում կառուցողական մօտեցումներ եւ համարձակ լուծումներ:

Անաչառ հետազօտողի բարեխղճութեամբ Գրիգորեանը, վերհանելով Հայոց Յեղասպանութեան իրագործման նախապայմանները, պետական ու հոգեւոր գաղափարախօսութիւնները, հասարակութեան կառոյցի դերը եւ վերջինիս ընկերամշակութային ու էթնօմշակութային իւրայատկութիւնները, աղբիւրագիտական հարուստ նիւթի յենքի վրայ քննական վերլուծութեան է ենթարկել դրանք:

Հեղինակն ուսումնասիրութեան մէջ անդրադառնում է ինչպէս պետական կառոյցների, այնպէս էլ մուսուլման բնակչութեան ընկերային տարբեր խմբերի՝ տղամարդկանց, կանանց ու երեխաների մասնակցութեան ձեւերին եւ գործառութային առանձնայատկութիւններին:

Ուսումնասիրելով ցեղասպանութիւնների իրագործման մեխանիզմները՝ Գրիգորեանն իրաւացիօրէն նկատում է. «*Խմբի ամբողջական կամ մասնակի ոչնչացման համար անհրաժեշտ է հասարակութեան անմիջական մասնակցութիւնը կամ առնուազն ակտիւ աջակցութիւնը: Այս հանգամանքը ենթադրում է հասարակութեան փարբեր սոցիալական եւ սեռափարիքային խմբերի համոզմունքների, մտայնութիւնների, բռնութիւններին մասնակցելու նրանց նպատակների ու շարժառիթների ուսումնասիրութեան անհրաժեշտութիւնը*»<sup>2</sup>:

Ուսումնասիրութեան ներածութիւնը՝ «Բրաունինգ-Գոլդհագէն Բանավէճը Բռնութիւններին Զանգուածային Մասնակցութեան Ուսումնասիրութեան Առանցքում» ամերիկացի պատմաբաններ Քրիստոֆըր Բրաունինգի եւ Դանիէլ Գոլդհագէնի աշխատութիւնների քննական վերլուծութիւնն է: Գրիգորեանի խորին համոզմամբ՝ Հոլոքոստին նուիրուած վերոյիշեալ

աշխատութիւնները մեծ ներդրում են ցեղասպանութիւնների իրագործմանը հասարակութեան մասնակցութեան քննարկման տեսանկիւնից:

Վերոյիշեալ հեղինակները 101րդ պահեստային ոստիկանական գումարտակի օրինակով ուսումնասիրել են նրանց ներգրաւածութեան դրդապատճառները եւ յանգել հակադիր եզրայանգումների: Ներածութեան մէջ կարդում ենք. «*Բրաունինգը, 101րդ ոստիկանական գումարտակի օրինակով քննութեան առնելով Հոլոքոստի հասարակութեան շարքային անդամների ներգրաւածութեան դրդապատճառները, յանգում է այն եզրակացութեան, որ նրանք մասնակցել են հրեաների զանգուածային ոչնչացմանն առանց յարուկ գաղափարական եւ հոգեբանական նախապատրաստման*»<sup>3</sup>: Իսկ Գոլդհագէնի հաղորդմամբ՝ Հոլոքոստի ոճրագործները յաճախ գերակատարել են ստացուած հրամանները, քանի որ գործել են նոյնիսկ անմիջական վերահսկողութեան բացակայութեան պայմաններում, կամատր եւ չպարտադրուած դաժանութեամբ<sup>4</sup>:

Բրաունինգ-Գոլդհագէն բանավէճը Գրիգորեանը կարեւորում է նրանով, որ Գոլդհագէնի աշխատութիւնը եւս հիմնուած է 101րդ պահեստային ոստիկանական գումարտակի անդամների՝ յետպատերազմեան դատավարութիւնների հարցաքննութեան նոյն նիւթերի վրայ<sup>5</sup>: Հեղինակը գրում է. «*Կարծես թէ՛ տեղի ունեցաւ գիտնականների բաժանում երկու խմբաւորումների՝ նրանք, ովքեր ցեղասպանութեան իրագործումը պայմանաւորում են պետական գաղափարախօսութեամբ, եւ նրանք, ովքեր մերժում են այս մօտեցումը*»<sup>6</sup>:

Ուսումնասիրութեան առաջին՝ «Հայոց Յեղասպանութեան Ժամանակ Տեղ Գտած Բռնութիւնների Զանգուածայնութեան Հիմնախնդրի Ազգաբանական Կտրուածքները» գլխում, հեղինակն առաջադրելով մի շարք խնդիրներ՝ անդրադարձ է կատարում Օսմանեան պետական գաղափարախօսութեան գործօնին, մշակութային մոդէլների ձեւատրման հիմնական դրոյշներին եւ տարածման մեխանիզմներին: Հեղինակն այս գլխում ներառել է նաեւ «օտարի» թիրախայնացման, ապամարդկայնացման, «թշնամու» կերպարի ձեւատրման մեխանիզմները, ինչպէս նաեւ շեշտադրել հոգեւոր գաղափարախօսութեան գործօնը:

Միանգամայն իրաացի է Գրիգորեանը, երբ ցեղասպանութեան իրագործման գործընթացում հասարակական լայն գանգուածների ներգրաւման ենթահողում, յատկապէս բազմակրօն եւ բազմէթնիկ հասարակութիւններում, կարեւորում է «իւրային/օտար» մշակութային մոդէլի դիտարկումը տուեալ հասարակութեան աշխարհընկալման համակարգում. «*Այլպատեացութեան արդիւնք հանդիսացող բռնութեան կիրառման համար կարեւոր է, թէ՛ ինչպէս է «օտարի» կերպարը մեկնաբանուած պետական գաղափարախօսութեան մէջ, ինչ տեղ է*

զբաղեցնում ոճրագործների աշխարհընկալման համակարգում, ինչ նախնական վերաբերմունք գոյություն ունի նրա նկատմամբ, եւ ինչ վերածնատրման է ենթարկում այն՝ ազգային ինքնագիտակցութեան ձեւատրման կամ յստակեցման գործընթացում»<sup>7</sup>:

Շեղինակը համոզուած է, որ ապստամբութեան եւ դաւաճանութեան մէջ հայերին մեղադրելը թուրքական ժխտողական քաղաքականութեան առաջին քայլերն էին, որոնք մինչ այսօր պաշտօնապէս շարունակում են Թուրքիայի Հանրապետութեան կողմից. «Ի վերջոյ այսպիսի մեղադրանքների փարածումը եւ բազմաթիւ թռուցիկներով հայերին սպանելու կոչեր անելը, սեփական մեղքը կամ յանցանքն ուրիշներին վերագրելը, զրպարտութիւնը եւ առհասարակ ազրեսիայի ցանկացած դրսետրում վիկտիմիզացման այլընտրանքային ձեւեր են»<sup>8</sup>:

Ամփոփելով հետազոտութեան առաջին գլխի արդիւնքները՝ Գրիգորեանը յանգում է եզրակացութեան, որ բազմէթնիկ ու բազմակրօն Օսմանեան Կայսրութիւնում հայ ժողովրդի նկատմամբ իրագործուած ցեղասպանութեան գլխատր յենքը պանթիօքիզմի գաղափարախօսութիւնն էր, որը ձգտում էր ձեւատրել յատկապէս թիւրքական մշակոյթի վրայ հիմնուած էթնօազգայնականութիւն: Ազգային ինքնագիտակցութիւնը («մենք» մոդէլը), մշակոյթի վերածննդի գործընթացները յանգեցրին հայերի ցեղասպանութեանը, քանի որ ընթանում էին էթնիկական միատարրութիւն ստեղծելու եւ գերակայութիւն ձեռք բերելու քաղաքականութեամբ:

Երկրորդ՝ «Պետական Կառոյցների Մասնակցութիւնը Հայոց Ցեղասպանութեանը», գլխում հեղինակը սկզբնաղբիւրային հարուստ գրականութեան յենքի վրայ ներկայացնում է պետական կենտրոնական եւ տեղական կառավարման մարմինների մասնակցութեան դրսետրումները:

Առանձին ենթագլխում Գրիգորեանն անդրադառնում է պետական ռազմական կառոյցների մասնակցութեանը, օսմանեան բանակի ներգրատուածութեանը, ոստիկանութեան եւ պահակազնդերի գործողութիւններին:

Շեղինակը յորդորում է չմոռանալ, որ ցեղասպանութիւն իրագործելու նպատակով ստեղծտող ռազմականացուած մարմինները համալրում էին նաեւ շարքային քաղաքացիներով<sup>9</sup>:

Քննարկուող հիմնահարցն առանել ընդգրկուն եւ ամբողջական դարձնելու նպատակով՝ հեղինակն ուսումնասիրել եւ աշխատանքի մէջ ներառել է քրէական յանցագործների ներգրատուածութեան հարցը Հայոց Ցեղասպանութեան իրականացման գործում: Այս առնչութեամբ հետաքրքիր է Գրիգորեանի հետեւեալ մեկնաբանութիւնը. «Քրէական յանցագործներին ազատ արձակելու եւ ռազմականացուած ինստիտուտ ներգրատելու հանգամանքը նպաստում էր մուտովման բնակչութեան՝ զանգուածային

բռնութիւններին ու սպանութիւններին ինտերգրմանը: Այս գործընթացը դիտարկելու եւ անպարժեղութեան մթնոլորտի ձեւաւորելու համար բռնութիւններ գործադրելու նպատակով վարձում էին այնպիսի մասնագիտութիւն ունեցող մարդիկ, ովքեր կարող էին հեշտութեամբ սպանութիւններ կատարել»<sup>10</sup>:

Կառավարութեան յատուկ հրամանով օսմանեան բանակի ներգրանուածութիւնը՝ Հայոց Յեղասպանութեանը, հեղինակը հաստատում է վերապրողների եւ օտարերկրեայ դիւանագէտների վկայութիւններով եւ փաստաթղթերով. «... Բացի նրանից, որ կայսերական բանակի զինուորները չէին կարող շրջանցել հրամանները, չի բացառուում, որ նրանք գտնուում էին սպայական անձնակազմի՝ պանթիօրքական գաղափարախօսութեան անմիջական քարոզչութեան ներքո»<sup>11</sup>:

Ոստիկանների, պահակազնդերի, զինուորների, ինչպէս նաեւ իրական քրէական յանցագործների մասնակցութիւնը ցեղասպանութեանը լուծում էր մի շարք կարելու խնդիրներ՝ որքան հնարաւոր է հասարակութեան մեծ մասին ներգրանել զանգուածային բռնութիւններ իրականացնող մարմինների մէջ, կազմակերպել եւ վերահսկողութիւն սահմանել տեղահանութեան եւ ցեղասպանութեան իրագործման ընթացքի վրայ: Միաժամանակ բռնութիւնների մէջ ներգրանուած էթնօլեզուական տարբեր խմբերի համար ստեղծում էր թրքութեանը հասասորութեան պատրանք, նրանք ինքնահաստատում էին որպէս վստահելիներ եւ ուրեմս՝ հաւասարներ<sup>12</sup>:

Յաջորդ՝ երրորդ գլուխը («Հասարակութեան Շարքային՝ Անդամների Մասնակցութիւնը Հայոց Յեղասպանութեանը») Գրիգորեանը շարադրել է՝ ելնելով մուսուլման տղամարդկանց, կանանց եւ երեխաների մասնակցութեան առանձնայատկութիւններից:

Հեղինակն ի սկզբանէ նշում է, որ բռնութիւններին հասարակութեան մասնակցութեան զանգուածայնութիւնը պայմանաւորող եւ յատկապէս «շարքային քաղաքացիների» ընդգրկման դրոպապատճառներից մէկը նաեւ կողպալուտի լայն հնարաւորութիւնն էր, որը ստեղծում եւ խրախուսում էր իշխանութեան կողմից<sup>13</sup>:

Գրիգորեանն անդրադարձել է բռնութեան մի շարք ձեւերին եւ դրանց մշակմանը, այդ թում նաեւ ծիսականացուած սպանութիւններին եւ սեռական բռնութիւններին: Ինչ վերաբերում է բռնութեան ձեւերի յատուկ մշակմանը, ապա հետազօտողը փաստում է. «...Բռնութեան դաժանացումը պայմանաւորուած էր ոչ միայն այն հանգամանքով, որ մեծմասամբ կիրառում էր սառը զէնք, այլեւ իր մէջ կրում էր նաեւ գաղափարական իմաստ: Քանի որ Հայոց Յեղասպանութիւնն իրագործողներն ունէին այն խոր համոզմունքը, որ ոչնչացնում են մանրէներին, իրենց բոլոր դժբախտութիւնների մեղաւորներին՝ յանուն հայրենիքի ամբողջականութեան եւ

ազգային ինքնության ձեռնարկման/պահպանման, իրենց մուսուլման եղբայրների հետ վերամիատրման, ապա բռնության դաժանացումը, բռնարարքների ձեւերը դառնում էին թոյլատրելի վարքային նորմեր: Այսպիսի բռնությունները հիմնուած են մշակութային համակարգի վրայ եւ ունեն կառուցողական բնոյթ, քանի որ միտումնաբէս ինքնութեան պահպանմանը՝ օտար մշակոյթների մերժման կամ ոչնչացման միջոցով<sup>14</sup>:

Գրիգորեանն ուսումնասիրութեան այս գլուխն ամփոփում է հետեւեալ եզրակացութեամբ. «Չնայած այն հանգամանքին, որ բռնաբարոյութիւնները եւ սեռական բռնութիւնների այլ ձեւեր յայտնուել են միջազգային հանրութեան ուշադրութեան կենտրոնում Ռուանդայում եւ նախկին Հարաւալայում տեղի ունեցած ցեղասպանութիւններից յետոյ, այնուամենայնիւ դրանք՝ որպէս ցեղասպանութեան իրականացման «գործիք», կիրառուել են նաեւ Հայոց Յեղասպանութեան համարեքստում եւ կրել զանգուածային բնոյթ»<sup>15</sup>:

«Երախտատրների՝ Հիմնախնդիրը Հայոց Յեղասպանութեան մէջ» վերջին՝ չորրորդ գլխում հեղինակը նախ վերլուծում է հիմնախնդիրն արդի ցեղասպանագիտութեան ենթահողում, ապա անդրադառնում մուսուլման հասարակութեան մէջ պետական մակարդակով «երախտատրութեան» դրսեւորումներին եւ դրանց դրոյապատճառներին:

Գրիգորեանը հաստատում է. «Հայոց ցեղասպանութեան ժամանակ բազմաթիւ կանայք եւ երկսեռ երեխաներ առեւանգում կամ գնում էին մուսուլմանների կողմից: Կանայք համայրում էին հարէմները, ծառայում տնային տնտեսութիւնում, յարկապէս տղայ երեխաները զբաղում էին հիմնականում հօտաղոյթեամբ: Երբեմն հայ մայրերն իրենք էին տալիս իրենց երեխաներին՝ այդպիսով փորձելով փրկել նրանց մահից: Այս ճանապարհով յաջողում էր ողջ մնալ երբեմն նաեւ տղամարդկանց: Ահա այս երեւոյթը թուրքական ժխտողական քաղաքականութեան ծիրում յաճախ փորձում են մեկնաբանել որպէս մուսուլմանների կողմից քրիստոնեաներին փրկելու ջանքեր՝ նրանց ներկայացնելով որպէս «երախտատրներ», որի վերաբերեալ վերջին շրջանում բաւական ակտիւ քննարկումներ են տեղի ունենում»<sup>16</sup>:

Երեւոյթը որակելով բաւական բարդ՝ Գրիգորեանն անհրաժեշտ է համարում դիտարկել «երախտատրների» հիմնախնդիրը համակողմանի եւ աղբիւրագիտական հարուստ նիւթի հիման վրայ՝ առաջ քաշելով հետեւեալ հարցադրումները՝ ի՞նչ հիմքերով, մտադրութեամբ եւ նպատակներով է կազմակերպում նման վարքը, ովքե՞ր են փրկողները<sup>17</sup>:

Տեղին է մէջբերել հեղինակի հետեւեալ եզրակացութիւնը. «Օսմանեան Կայսրութիւնում Հայոց Յեղասպանութեան համարեքստում մուսուլման հասարակութեան տարբեր խմբերի կողմից «ակրոուիստական» վարքի

կազմակերպման դրդապարճառների ու նպատակների դիտարկումները բացայայտում են, որ բարոյական հոգեբանության գործունը գրեթե դեր չի ունեցել «փրկողների» վարքի համար: Մուտուլման հասարակության կողմից երախտատրության դրսեւորման հիմքերը, թերեւ, պէտք չէ փնտրել համամարդկային բարոյական, մշակութային, կրօնական կամ էթնիկական պատկանելության համապոքստում, այլ անլի նեղ շրջանակներում, ինչպիսիք են, օրինակ, նիւթական շահի, հարկադիր աշխատանքի, սեռական շահագործման, ամուսնության, դրացիական յարաբերութիւնների, երախտագիտության զգացումների, փոխադարձ ակնկալիքի մէջ, քանի որ նման վարք հիմնականում կազմակերպուել է անհատական նախաձեռնութեամբ եւ նպատակներով»<sup>18</sup>:

Գրիգորեանը համոզուած է, որ Օսմանեան Կայսրութիւնում պետական մակարդակով դրսեւորուած «երախտատրութիւնը» հետապնդում էր բացառապէս քաղաքական նպատակներ. «Թողք եւ թուրքամէտ հեղինակները, պաշտօնապար անձանց վարքը ներկայացնելով բացառապէս հումանիտար նպատակներով, հաւանաբար փորձում են մեղմացնել նրանց մեղսակցութիւնը հայերի դէմ գործադրուած ցեղասպանութեան յանցագործութեան մէջ եւ հիմնական պատասխանատուութիւնը թողնել կենդանի»:<sup>19</sup>

Սկզբնաղբիւրային հարուստ գրականութեան յենքի վրայ ինքնատիպ լեզուամտածողութեամբ շարադրուած ուսումնասիրութիւնը եւ յատկապէս հեղինակի եզրակացութիւնները վկայում են երիտասարդ հետազօտողի բանիմացութեան եւ կոտ տրամաբանութեան մասին:

Գրիգորեանի աշխատութիւնը կարեւոր ներդրում է ոչ միայն Հայոց Յեղասպանութեան պատմութեան ուսումնասիրութեան, այլեւ ընդհանրապէս ցեղասպանագիտութեան տեսանկիւնից: Այն Հայոց Յեղասպանութեան օրինակով այլ ժողովուրդների ցեղասպանութիւնների ուսումնասիրութեան հարցերով զբաղուող հետազօտողների համար ծանրակշիռ հիմնանիւթ է: Այս մեծարժէք ուսումնասիրութեան շնորհիւ բացայայտում է Օսմանեան Կայսրութեան մուսուլման քնակչութեան հաւաքական կերպարը:

Այս ուսումնասիրութիւնն ապացուցում է, որ Հայոց Յեղասպանութիւնն իրագործուեց պետութիւն-մուսուլման հասարակութիւն փոխհամաձայնեցումով եւ համակարգուած համագործակցութեամբ:

Եւ ինչպէս ամրագրուած է Յեղասպանութեան յանցագործութիւնը կանխարգելելու եւ պատժելու մասին 1948 Դեկտեմբերի 9ի Ուխտի 6րդ յօդուածում «Այն անձինք, որոնք մեղադրուած են ցեղասպանութիւն կամ Յրդ յօդուածում թուարկուած որեւէ արարք կատարելու մէջ, դատուած են այն երկրի իրաստու դատարանի կողմից, որի տարածքում կատարուել է այդ յանցագործութիւնը, կամ այնպիսի միջազգային քրեական դատար-

րանի կողմից, որը կարող է իրաազորութիւն ունենալ սոյն Ուկրաինի՝ այդ իրաազորութիւնը ճանաչած կողմերի նկատմամբ»<sup>20</sup>:

Այսպիսով, Հայոց Յեղասպանութեան ծանրագոյն յանցագործութեան համար պատասխանատուութիւն էր կրում նաեւ Օսմանեան Կայսրութեան մուսուլման յանցատուր քնակչութիւնը:

ԹԵՀՄԻՆԷ ՄԱՐՏՈՅԵԱՆ

## ԾԱՆՕԹԱԳՐՈՒԹԻՒՆՆԵՐ

- <sup>1</sup> Յովհաննէս Ինճիկեան, *Սոցիալական Հոգեբանութիւնը եւ Յեղասպանութիւնը*, Երեւան, 1995. նաեւ՝ А. Авакян, *Геноцид 1915г.: Механизмы Принятия И Исполнения Решений* (1915ի Յեղասպանութիւնը. մեքենականութիւնները, անունած որոշումներու գործադրութիւնը), Երեւան, 1999. նաեւ՝ V. Dadrian, “Children as Victims of Genocide: the Armenian Case,” *Journal of Genocide Research*, 2003, Vol. 5, No. 3, September, էջ 421-37. նաեւ՝ V. Dadrian, “The Role of the Turkish Military in the Destruction of Ottoman Armenians: A Study in Historical Continuities,” *Journal of Political and Military Sociology*, 1992, Vol. 20, No. 2, էջ 257-88. նաեւ՝ V. Dadrian, “The Role of Turkish Physicians in the World War I Genocide of Ottoman Armenians,” *Holocaust and Genocide Studies*, 1986, Vol. 1, No. 2, էջ 169-92. նաեւ՝ V. Dadrian, “The Secret Young-Turk Ittihadist Conference and Decision for the World War I Genocide of the Armenians,” *Holocaust and Genocide Studies*, 1993, Vol. 7, No. 2, էջ 173-201. նաեւ՝ D. Goldhagen, *Hitler’s Willing Executioners. Ordinary Germans and the Holocaust*, New York, Vintage Book, 1996. նաեւ՝ D. Goldhagen, *Worse than War: Genocide, Eliminationism, and the Ongoing Assault on Humanity*, New York, Public Affairs, 2009. նաեւ՝ Ch. Browning, *Ordinary Men. Reserve Police Battalion 101 and the Final Solution in Poland*, London, Published by the Penguin Books, 2001.
- <sup>2</sup> Յասմիկ Գրիգորեան, *Ջանգուածները եւ Ջանգուածային Բռնութիւնները. Օսմանեան Կայսրութեան Մուսուլման Քնակչութեան Մասնակցութիւնը Հայոց Յեղասպանութեանը*, Երեւան, 2017, էջ 205:
- <sup>3</sup> Գրիգորեան, էջ 23:
- <sup>4</sup> Նոյն, էջ 28:
- <sup>5</sup> Նոյն, էջ 24:
- <sup>6</sup> Նոյն, էջ 33:
- <sup>7</sup> Նոյն, էջ 35-6:
- <sup>8</sup> Նոյն, էջ 62:
- <sup>9</sup> Նոյն, էջ 93:
- <sup>10</sup> Նոյն, էջ 96:
- <sup>11</sup> Նոյն, էջ 110:
- <sup>12</sup> Նոյն, էջ 119:
- <sup>13</sup> Նոյն, էջ 123:
- <sup>14</sup> Նոյն, էջ 125:
- <sup>15</sup> Նոյն, էջ 139:

---

<sup>16</sup> Նոյն, էջ 175:

<sup>17</sup> Նոյն:

<sup>18</sup> Նոյն, էջ 203:

<sup>19</sup> Նոյն տեղում:

<sup>20</sup> Մարդու Իրաւունքների Վերաբերեալ Հայաստանի Հանրապետութեան  
Մասնակցութեամբ Միջազգային Պայմանագրեր, Փաստաթղթերի Ժողովածու,  
Գիրք Բ., Երեւան, 2001, էջ 11: